

## عالياني

غناء: وديع الصافي

لحن: وديع الصافي

تاريخ: ٢/٣/١٩٦٩م

عالياني الياني الياني  
راح الليل واجا الليل  
عالياني عالياني  
وخبير منك ما جاني

\*\*\*

يا حلوة وين وعدك وين  
استنيتك يا نور العين  
طال الهجر وطال البين  
وانتي قلتي استناني

\*\*\*

لو يفضل من عمري يوم  
لعيونك خلّيت النوم  
ما بيمنعني عنك لوم  
والسهر لأجفاني

\*\*\*

كرمالك يا غصين البان  
لا صبر تاتجيب الغربان  
راضي بهجرك والحرمان  
ان عشت وربّي خلّاني

\*\*\*

## ليلي ليلي

غناء : وديع الصافي

لحن : سمير مجدي

تاريخ : ١٩٦٩/٧/١٩ م

ليلي ليلي ليلي      ليلي ليلي ليلي  
من المغرب للصبحي      مش عم تغمض عيني

\*\*\*

بين الأربع مفارق      ياولفي شفتك مارق  
مادامو قلبي مفارق      لا تنامي يا عيني

\*\*\*

لو شفتك بالليالي      نور القمر بيالالي  
شي مرة طلّ قبالي      خلّي الدنيا مضوي

\*\*\*

يا عايش مع افكاري      يا منشّف دمعي الجاري  
من حبك شعلت ناري      وتيايبي شعلو فيي

\*\*\*

مّوال عتابا :

أيا بدر السما عتّم ولالي      لا لك حظ من ولفك ولالي  
غرام الهم عاقلبي ولالي      تلت عمري وانا بعز الشباب

# كم عاشق يكتّم

غناء: وديع الصافي

لحن: سمير مجدي

تاريخ: ١٩٦٩/٧/٢٤م

يا قاتلي بالهجر كيف قتلتني  
صح الذي بيني وبينك في الهوى  
كم عاشق يكتّم وقلبه مغرّم  
اسقيك من مدمعي وبالأسى تدعي  
قطعت منك الرجا وليل يأسى دجى  
قلّ لي بربك ما الذي أنا فاعل  
يرضى القتيل وليس يرضى القاتل  
ما كل ما يعلم يا صاحبي يقال  
والشوق في أضلعي يزيدني اشتعال  
وفاؤك المرتجى ضرب من المحال

\*\*\*